

1891 - Entelgientscha davart l'aua da Mila

Ventgasis vischinas e vischins da Rueras secunvegnan en quella entelgientscha pertuccont l'aua viers Mila sut Rueras, che deriva dils dus dutgs dil vitg da Rueras, quel dadens e quel dado che s'uneschan en in sut il vitg.

Entelgientscha amicabla davart l'aua da Mila a Rueras

Ils 30 da fenadur 1891 ein en preschientscha e sin mediaziun da president Joseph Condrau, ils coninteressai vid l'aua da **Mila**, sut **Rueras**, respectiv ils proprietaris dils clavaus da **Mila** ed ils proprietaris dils funs giu **Mila**, per evitar spesas processualas e per risguardar raschuneivlamein il vicendeivel basegns ed interess, secunvegni amicablamein sco suonda:

1. L'aua dils dutgs dil vitg dado e dadens che s'uneschan ella gassa giu sur ils clavaus da **Mila** astga tenor cunsentiment dils proprietaris dils clavaus ira temps da stad, respectiv da calonda avrel naven entochen ch'il fretg da **Mila** ei prius si, dalla gassa denter ils clavaus giu, quei naturalmein ord risguard viers ils praus da **Mila**, che pitessen temps da fretg tras quell'aua, fertron che l'aua pregiudichescha buca ils baghetgs temps da stad.

2. Duess ei dar ina excepziunala malaura, cun tont'aua, che la sura numnada gassa denter ils clavaus pudess buca trer quella e donnegiass ils baghetgs, sche duei esser resalvau il dretg da better giu l'aua dil vitg dado direct dador il curtin dil fravi giu direct encunter **Mila** (enstagl sparter per giu el cantun sur clavau) per sedivider en eventuals donns e cunzun schaniar il chischner d'Onna Maria Peder.


3. Giachen Antoni Wenzin s'oblighescha da vuler metter aunc en pulit stan uonn la gassa dils clavaus, sinaquei che quella tili l'aua, cunzun senza pregiudezi e donn dils baghetgs da maun seniester encunter ils quals l'aua penda.

4. Dil temps d'atun, cura ch'il fretg da **Mila** ei prius si entochen calonda avrel, pia duront gl'unviern, duei l'aua totala ir il vau encunter ils praus **Mila**, pia dil dutg ella cantunada dil curtin da fravi sur ils clavaus giu.

5. Scadin coninteressau vid tala questiun ha il dretg sil fixau temps mintgamai dar la respectiva direcziun e viulta all'aua.

6. Concernent §4 ei aunc da renovar che l'aua dil vitg dado, duei temps d'unviern medemamein ira direct dado il curtin dil fravi giu encunter **Mila**, essend ch'ei emporta a quels nuot da tgei vart l'aua vegni, fertron ch'ei emporta als proprietaris dils clavaus, ch'ei serimni buca memia bia silla piazza dil chischner e sbugli ton pli fetg.

7. Concernent §3 ei secunvegniu da per cass che la gassa denter ils clavaus duess inaga ni l'otra vegnir donnegiada, dueien schibein ils proprietaris dils praus, sco era quels dils clavaus da **Mila** comunablamein puspei metter en uorden quella.



Quell'entelgientscha vegn scretta en treis formulars, in vegn surdaus agl archiv da vischnaunca, l'auter al Giachen Antoni Wenzin ed il tierz a Gion Antoni Beer da **Rueras**.

8. Dat ei dispetas davart l'interpretaziun dil verbal e cuntegn da quest'entelgientscha (p. en §2) sche vegn ei surschau la definitiva decisiun en caussa mintgamai agl actual president da vischnaunca da **Tujetsch**.

9. Tuts coninteressai e proprietaris dils praus **Mila** e dils baghetgs vegnan numnai da suttascriber quei act, lur register suonda.

Per corroboraziun dalla sura entelgientscha segnan ils differents coninteressai cun num e schlatteina.

Rueras, ils 30 da fenadur 1891

Giachen Antoni Wenzin

Luis Caveng

Gion Fidel Berther

Gion Antoni Caveng

Sep Antoni Gieriet

Giachen Martin Peder

Duri Vigeli Schmidt

per Onna Maria Peder: Soliva Johann Anton

per Gion Antoni Beer: Giachen Fidel Caveng

1. Ils cumproprietaris vid ils baghetgs a **Mila** ein:

Onna Maria Peder

Gion Antoni Beer

2. Ils cumproprietaris vid ils funs a **Mila** ein:

Giachen Antoni Wenzin

Luis Caveng

Gion Fidel Berther

Duri Wigeli Schmidt

Giachen Antoni Schmet

Duri Battesta Muggli

Wigeli Deragisch

Frars Berther, **Camischolas**

Sigisbert Berther

Gion Antoni Caveng

Franz Joseph Loretz

Frars Riedi

Giachen Martin Peder

Sep Antoni Gieriet

Stalter Stoffel Riedi

Per conformitad attesta

Sedrun, ils 30 da fenadur 1891

Soliva Johann Anton, genau

1892 - Quen dallas talpas per 1892, dadens il Dutg Grond

Uorden ariguard pigliar talpas 1880

Concernent il pagament, il qual la vischnaunca dat a particulars ni vischinadis, per pigliar talpas sin ses funs, ei stipulau il sequent: Vegn ei fatg in accord cun in u plirs pegliatalpas, per in prezi fix, sche paga la vischnaunca la quarta part dil marcadau pagament. Vegn ei aber marcadau da pigliar per in ton la talpa, sche paga la vischnaunca la quarta part mo lura, cura ch'ei vegn marcadau per talpa buca dapli che 50 raps l'ina. - En consideraziun d'in grond donn che las talpas fan onn e mintg'onn, ei dalla vischnaunca vegniu ordinau da far mintg'onn ina devoziun, la quala ei schau sura a nos signurs spirituals sin tgei di e sin tgei moda far, bein aber duei quei di vegnir teniu firau, entochen che la respectiva devoziun ei vargada. - Gia els statuts da 1832 vegn ordinau da far mintg'onn ina devoziun «en consideraziun dil grond donn che las talpas fan onn e mintg'onn».

Inserat ella Gasetta Romontscha dils 2 da matg 1883

In bien pegliatalpas vegn encuretgs dalla squadra Rueras e Zarcuns en Tujetsch. Quel sto esser provedius cun buns attestats e stuess permanentamein setener si en Tujetsch, quei temps che selai pigliar talpas. Cheuencunter vegn segirau fadigia per plirs onns, sch'el fa sia lavur en uorden. El sto sorprendar quella ton pli gleiti. Aspirants dueien s'adressar tier gerau Cristian Muggli a Rueras ni tier Gion Paul Berther a Camischolas.

Num	diember	pagau ora	
		frs.	rps.
Beer Giachen Martin	31	8	06
Beer, scarvon	18	4	68
Berther Gion Fidel, vegl	10	2	60
Berther Gion Fidel, giuven	7	1	82
Frars Berther	40	10	40
Berther Gion Antoni	11	2	86
Berther Sep	56	14	56
Berther Crisost	18 ³ / ₄	4	86
Beer Gion Antoni	4	1	04
Beer frars	3		78
Caduff Giachen Lurenz	8 ¹ / ₄	2	14
Caduff Hans Giachen	26	6	76
Caveng Gion Antoni	21	5	46
Caveng Giachen Fidel	26 ¹ / ₄	6	82
Caveng Lucas	9	2	34
Caveng Luis	10 ¹ / ₂	2	79
Geriet Sep Antoni	1		26
Hetz Gion Fidel	19 ³ / ₄	5	14
Muggli Christian	15 ¹ / ₂	4	03
Loretz Franz Giusep	5 ³ / ₄	1	49
Muggli Lezi	22	5	72
Monn Giachen	16 ³ / ₄	4	34
Monn soras	1 ¹ / ₄		32
Monn Hans Giachen	12	3	12
Pally Gion Antoni	2 ³ / ₄		70
Peder Gion Battesta	4 ¹ / ₂	1	17
Schmet Vigieli	29	7	54
Riedi Duri	10	2	60
Wenzin Giachen Antoni	35 ³ / ₄	9	28
Wenzin Sep Lurenz	8	2	08
Wenzin Fausta	29 ¹ / ₂	7	67
Wenzin Duri	3		78
Giger Gion Battesta	9	2	34
Giossi Sep Antoni	2 ¹ / ₄		58

Hetz Gion Bistgeun	30 $\frac{1}{4}$	7	86
Deplatz Sep Antoni	14 $\frac{3}{4}$	3	82
Peder Gion Antoni	6	1	56
Wenzin Frars da Giachen (per pigliar talpas a Surrein)	14	3	64
Monn Sep Martin	16 $\frac{1}{2}$	4	29
Monn Vigieli	9	2	34
Muggli Duri	4 $\frac{1}{4}$	1	10
Capeder Anselm	8 $\frac{1}{4}$	2	14
Peder Giachen Martin	3 $\frac{1}{4}$		84
Caduff, soras	4 $\frac{3}{4}$	1	24
Giohen Deflorin	4 $\frac{1}{2}$	1	17
Giachen Fidel Caduff	1 $\frac{1}{4}$		32
Total per dadens Dutg Grond	637	165	84



La part dalla val che serasa dadens il **Dutg Grond** entochen igl **Uaul Tschuppina**

1892 - Differentas taxas pella gudida dils beins comunals

En §28 dalla constituziun da 1889 vegn reglamentau las taxas sin la gudida da pastiras ed alps cuminas.

“Per cuvierer las annualas expensas generalas, cumpigliau en tuttas entradas annualas dils beins forestals, vegn la gudida da pastiras ed alps communalas taxada sufficientamein per cuvierer igl annual communal deivet current.

Duessen las expensas communalas nunprovidentamein in onn u l'auter crescher dil stipulau, sche vegn la vischnaunca era a tener sut in tal surpli dil deivet entras alzar las taxas mintgamai suenter ils basegns.”

Tiers

Taglia	Arvers		
1 vacca e genetscha	2 frs.	1 cavagl	17 frs.
Stiarls e stiarlas, era quels ch'ei buca stai ora igl onn avon	1 fr.	1 vacca	7 frs.
Vadials	50 rps.	1 mugia	6 frs.
Tiers manedels	25 rps.	1 stierl ni stiarla	4. 50 frs.
1 cavagl	4 frs.	1 vadi vegl	3.40 frs.
1 pulein	1 fr.	1 vadi giuven	1 fr.
		Tiers manedels	1 fr.
		Pors sur onn	2 frs.
Fein			
Fein jester la tschuncheisma 1.60 frs.			

Lennas

sort da fiug	2 frs.
Lenna grossa, mesirau e schau tenor taxaziun dil bostger	
lenn da clavau	65 cts.
1 latta gronda	50 cts.
1 latta pintga	25 cts.
lenna da caltschina per salmer	40 cts.
bischels il bratsch a	5 cts.
slusels il pèr	20 cts.

Il lenn ha giugau ina fetg gronda rolla ella val **Tujetsch**. Dad ina vart ils uauls sco schurmetg encunter lavinas e bovas e da l'autra vart la lenna per diever da baghegiar e scaldar!

Amiez il 19avel veseva ei ora mal cuagl uaul ella val. Senza directivas rigurusas fuss igl uaul sedecimaus rigurusamein. Pil schurmetg da **Selva** fuva restau mo ina pintga scrotta, igl **Uaul da Rosas**. Ils animals, las cauras, han medemamein contribuiu alla sminuaziun dalla surfatscha digl uaul. Ils onns 1890 han las plontaziuns d'uaul priu sia entschatta, per cletg. Ils uauls ein serevegns e fuorman oz in grond schurmetg pils habitonts che zacu!

El quen da vischnaunca han onns ora las entradas da lenna vendida formau ina dallas impurtontas entradas.

1893 - Gliesta dils praus

La gliesta cumprova il diember dils habitonts cun praus en mintga vitg e la mesira dil possess.

Diember dils possessurs:

Bugnei 11; Cavorgia e Surrein 19; Selva e Tschamut 30; Rueras 54; Camischolas e Zarcuns 24; Gonda 21; Sedrun 41; total 200 possessurs.

Il gronds possessurs ein Gion Andriu Berther da Camischolas cun 60 tschaveras, lu suondan ils frars Venzin da Selva cun 54 tschaveras, lu Gion Paul Berther da Camischolas cun 50 ½ tschaveras.

Pauc possess ha l'Onna Maria Beer da Hasper cun ¼ tschavera, la Barla Beer ina mesa tschavera, la vieua Geronimi, Gion Rest Caduff, Agatha Riedi, Giachen Antoni Schmet e Mariartha Monn cun 1 tschavera.

Gliesta dils praus 1893.

<i>I. Bugnei:</i>	
<i>Weger Poltera</i>	<i>2 ½ Arb.</i>
<i>Deragisch Sep Antoni</i>	<i>6 "X</i>
<i>Decurtins Gada</i>	<i>2 ½ "X</i>
<i>Curschellas Tumaisch</i>	<i>26 ¾ "X</i>
<i>Giacumet Luis</i>	<i>7 "X</i>
<i>Deragisch Vigieli</i>	<i>10 ½ "X</i>
<i>Deragisch Emanuel</i>	<i>2 ¾ "X</i>
<i>Decrusch Gion Ant. artavels</i>	<i>7 ½ "X</i>
<i>Decrusch Gion Giusep</i>	<i>12 ½ "X</i>
<i>Beart Vieua</i>	<i>13 ½ "X</i>
<i>Decrusch Sep Ant. Vig.</i>	<i>7 ½ "X</i>
	<i>91</i>

I. Bugnei

	tschaveras
Weger Poltera	2 ½
Deragisch Sep Antoni	6
Decurtins Gada	2 ½
Curschellas Tumaisch	26 ¾
Giacumet Luis	7
Deragisch Vigieli	10 ½
Deragisch Emanuel	2 ¾
Decrusch Gion Antoni, artavels	7 ½
Decrusch Gion Giusep	12 ½
Beart, vieua	13 ½
Decrusch Sep Antoni e Vigeli	7 ½

II. Cavorgia e Surrein

Hendry Vigilius	12 ¾
Hendry Alois	27
Schmet Tumaisch	25
Monn Tumaisch	23
Peder Luzius	3 ¼
Schmet Gion Antoni	21 ½
Giacumet Rest Giusep	25
Giacumet Gion Antoni	18
Baluart Leci	16
Schmet Giachen Antoni	34 ¼
Monn Giachen Antoni	31
Giacumet Leci	25
Curschellas Alois	14
Monn Vigieli	9 ¾
Curschellas Giachen Martin	11 ½
Hendry Sep Antoni	13
Curschellas Giachen Antoni	7
Mon Gion Antoni	6 ¾
Deplazes Sep Antoni	2 ½

III. Selva e Tschamut

Wörth, vieua	1 $\frac{3}{4}$
Wörth Vigilius	15
Venzin statalter Fidel	45
Venzin Vigilius	35
Peder Gion Martin	20
Peder Gion Antoni da statalter	31
Andriuet Culastia	1 $\frac{1}{2}$
Geronim, vieua	1
Venzin, frars	54
Loretz Sep Antoni (tudestg)	1 $\frac{3}{4}$
Peder Vigilius	18 $\frac{1}{2}$
Loretz Sep Antoni	10
Loretz Franz Giusep	9
Berther Gion Clau	4 $\frac{1}{4}$
Peder, vieua da Gion Martin	12
Schnoz Sep Antoni	46
Schmet Gion Antoni	8 $\frac{1}{2}$
Peder Gion Battesta	19
Riedi Sep Martin	10 $\frac{3}{4}$
Riedi Gion Giusep, vegl	16 $\frac{1}{2}$
Deflorin Vigilius	13 $\frac{1}{2}$
Deflorin, soras	13 $\frac{1}{2}$
Deflorin Giachen Antoni	20 $\frac{1}{2}$
Riedi Augustin	23
Riedi Gion Giusep, giuven	20
Schmet, vieua	7 $\frac{1}{2}$
Peder, vieua da Gion Paul	1 $\frac{1}{4}$
Peder Culastia da Fidel	4
Balzar Sep Antoni	4
Cavegn Carl	1 $\frac{1}{2}$

IV. Rueras

Giger Gion	19
Capeder Anselm	8 $\frac{3}{4}$
Paly Gion Antoni	4
Huonder Tumaisch	4
Monn Hans Giachen	15
Maggulin Culastia, Anselm Capeder, ugau	2
Berther Paul	24
Cavegn, frars, Giachen Fidel	31 $\frac{1}{2}$
Schmet Giachen Antoni	13
Berther Sep	40
Venzin Duri	16
Berther, frars	33
Berther Gion Antoni	25
Schmet Cristoffel	13 $\frac{3}{4}$
Schmet Duri Vigeli	25
Riedi Gion Flurins	37
Muggli Duri Batesta	14 $\frac{1}{2}$
Muggli Cristian	9 $\frac{1}{2}$
Venzin Giachen Antoni	50
Monn Vigieli	15
Loretz Sep	12

Monn Sep Martin	9
Gieriet, pot	3
Cavegn Lucas	27
Cavegn Alois	14
Berther Gion Fidel, vegl	18 ½
Venzin Fausta	30
Caveng Vigieli	13 ¾
Berther Gion Crisost	25 ½
Brugger Alois	13 ½
Caduff, fravi	14 ¾
Flury Carli	22
Cavegn Gion Antoni	34
Riedi Duri	10
Deplaz Sep Antoni	21
Hetz, frars	24 ½
Hetz Gion Fidel	32
Beer Giachen Martin	31 ½
Berther Sigisbert	36
Deflorin Giohen	4 ½
Beer Gion Antoni	4
Curschellas G. Antoni, calger	3
Monn Giachen	16 ¾
Monn, soras	1 ¼
Peder Onna Maria	9 ½
Venzin Sep Lorenz	9 ¼
Giossi Sep Antoni	6 ¼
Peder Giachen Martin	4
Caduff, soras	4 ¾
Caduff Hans Giachen	38
Berther Giachen Giusep	5 ½
Caduff Gion Rest	1
Riedi Agatha	1
Giger Sep Maria	26
Camischolas – Zarcuns	
Valier Batesta	40
Berther Gion Paul	50 ½
Capeder Vigieli	6 ¼
Berther Giachen Antoni	35 ½
Monn Felizi	35
Monn Onna Maria	3 ¼
Giossi, frars	34 ½
Berther Duri	24
Riedi Gion Fidel	43
Paly Gion Ludovic	24
Deflorin Giachen Giusep	24
Berther Gion Andriu	60
Berther Tumaisch	24
Schmet, vieua	26
Valier Vigieli	21 ½
Beer Gion Bistgaun	13
Beer Gabriel	7 ¾
Berther Filomena	8
Giacumet Lorenz	7
Beer Barla	½

Berther Giachen Martin	27 ½
Schmet Barla Catrina, giuvens	6
Beer Ignazi	26
Caveng Giachen Antoni	6 2/3

V. Gonda

Venzin Sep Antoni	11 ½
Venzin Vigieli	11 ½
Soliva Bruno	32
Venzin, vieua	6
Beer Gion Bistgaun	11 ½
Beer Nescha	4
Beer Benedicta	6 ¾
Beer Onna Maria da Hasper	¼
Beer Onna Maria	5
Beer Onna Maria, vieua	4
Beer Sep Antoni	2
Beer Stiafen	40 ¾
Schmet Heinrich	20
Gieriet Rest Antoni	34 ½
Schmet Giachen Martin	34 ½
Deplazes, Surrein	6
Capeder Gion Battesta	3
Caviezel Ursula	4 ¼
Massa Lurenza Schmet	½
Schmet Stiafen	8
Otilia Giossi (<i>cun rispli</i>)	

VI. Sedrun

Soliva Gion Antoni	19 ½
Monn Gion Battesta	22
Monn Placi	6
Monn Giachen Mathiu	4 ¼
Monn Mariartha	1
Monn Gion Antoni da Stiafen	33
Huonder Leci	31
Gamboni Sep Antoni	3 ½
Beart Vigilius	13 ½
Monn Gion Antoni da Madleina	13 ½
Beer Vigieli, meister	5 ¾
Monn Rest Flurin	23 ½
Monn Rest Valentin	19 ½
Muggli Anselm	6 ½
Huonder Sep Florin	22
Deragisch Gion Bistgaun	33 ¾
Decurtins Hans Giachen	43 ¼
Monn Vigeli, vegl	9 ½
Monn Gion Andriu	28 ¼
Beart, frars	11 ½
Monn Vigilius, giuven	5
Beer Vigieli dil Toni	23
Cavegn Vigilius	38 ¾
Beer Toni (<i>rispli</i>) 5 ½ e 29 blahs	8 ½
Maria Cristgina Jacomet	10 ¼
Monn Gion Mihel	27 ¼

Giacumet Luis	5 ½
Monn Vigieli da Tina	3
Cavegn Adolf	17 ¾
Beer Gion Bistgaun, fravi	16
Beer Giachen Fidel	5
Giacumet Vigieli	7
Monn Duri	8 ¼
Huonder Duri Battesta	2
Huonder Paula	2
Soliva Paul	8 ¼
Berther Vigieli	21 ¼
Schmet Giachen Antoni	1
Giacumet Alfons	20
Huonder Sep Antoni, massa	19
Massa Soliva	
Total	3052
Total (<i>cun rispli</i>)	(<i>cun rispli</i>) 3058



1893 - Via Val Nalps

Per saver trer lenna e caltschina ord la Val Nalps ha la vischnaunca eregiu igl onn 1846 ina via entochen tiel fuorn da caltschina sur la punt da Pardatsch. – 1893: “La vischnaunca ha concludiu, da dar in’entschatta cun far la via enta Pardatsch e quei sin quella moda: L’entschatta duei vegnir dada sin gliendisdis che vegn, ch’ei ils 14 da settember, nua che Giachen Martin Berther ha sedeclarau d’interpretar da mover, direger e cumandar e tener quen ils umens e fixar las uras con ditg ei stoppien luvrar. Quei vegn entschiet ella punt Pardatsch e fatg anora encunter Nacla, nua che mintga fiug ei obligaus da luvrar in di lavur cumina ed ira cura ch’ei vegn cumandau e star las uras ch’ei vegn fixau.» - «Ariguard la via da Pardatsch ei concludiu da far ella tochen ora en vischnaunca e quei cun aunc entscheiver ina roda nova, aschilunsch sco quella tonscha ni fa basegns e quels che vonzan da quella roda, dueien esser obligai da ventscher ora ella vid la via nova da sut S. Antoni e quei sut direcziun digl inschignier Berther.”

Igl onn 1893 va ei aunc pil tschancun da Pardatsch entochen en l’alp Nalps. Ina cumissiun recamonda alla vischnaunca da lubir la construcziun cun cundiziuns. Cun quellas ei la caussa buca finida e secontinescha cun finalmein vegnir ad ina buna fin.

Mustér/Bubretsch, ils 29 da matg 1893

Tit. signur president communal Soliva a **Sedrun**,

Cheutras supplicheschel els da far ton e dar part al suttascret, en num dils pursanavels da **Nalps**, sche la vischnaunca da **Tujetsch**, hagi lubiu alla sura indicada alp da baghegiar ina via sin lur territori, (respectiv sil territori da **Pardatsch** tochen tier detga alp) ni buc.

S’entelli che nus lessan baghegiar senza bonificar pil sulom dalla via (vul dir senza expropriar il terren), sco ei stau tschintschau cun els pli baul.

Havend ussa survegniu dil Cussegl Pign ch’ei vegni tier in subsidi per tala interpresa. Spetgel dad els ina risposta sur dil conclus dalla ludeivla vischnaunca u d’ina ludeivla suprastonza speronza favoreivla ton pli gleiti, sinaquei ch’in savess scriver ora tala lavur.

Cun perfetga stema e salid

Gion Battesta Durschei

Protocol da vischnaunca dils 16 d’avrel 1893


Ha la suprastonza mess avon alla vischnaunca ina damonda dils pursanavels da **Nalps/Mustér** arisguard conceder il necessari terren per realisar igl intendiu project dalla construcziun d’ina via carrabla en detga alp. Havend quella

damonda zun greva muntada per la vischnaunca, sche ha quella elegiu ina cumissiun, che duei ponderar e predeliberar la caussa ed allura dar rapport alla vischnaunca. En quella cumissiun ein eligi ils signurs: gerau Vigeli Berther, **Camischolas**, gerau Vigeli Berther, **Sedrun**, gerau Gion Antoni Berther, **Rueras**, staltalder Leci Jacomet ed ils geraus en uffeci.

1893 – Via Nalps

Sut datum dils 5 m.c. (*meins current*) ei la elegida cumissiun da part dalla ludeivla vischnaunca **Tujetsch** cun ils signurs possessurs dall’**Alp Nalps** repassai la lingia projectada per la construcziun d’ina nova via carrabla per la concessiun dalla quala via la societad corporativa **Nalps da Magher** damonda la ludeivla vischnaunca **Tujetsch**.

Sin la relativa indicada vesta oculara ha la cumissiun sin speciala recumandaziun dalla societad corporativa **Nalps**, respectiv dil comité da quella, vuliu dar oz caschun alla ludeivla



vischnaunca da tractar quella damonda en qualidad d'in formal decisiv conclus per speditiv cuntegn dils coninteressai pursanavels da quella alp.

Suenter che la cumissiun ha da sia vart madiramein ponderau la muntada sco era las pusseivlas consequenzas da quella impurtonta damonda, sa quella oz recumandar alla tit. vischnaunca da conceder la construcziun da quella nova via sut suandontas cundiziuns.

1mo. Il terren I: sulom dalla via e scarpas :I dalla entira lingia tochen sils cunfins dall'alp ei e resta adina esclusiva proprietad dalla vischnaunca **Tujetsch**.

2do. Il dretg da diever da quella via s'extenda adina mo sin la cultura alpina I: Alpenwirtschaft :I per la societad corporativa **Nalps da Magher**.

3tio. Classifichescha la vischnaunca quella entira lingia en treis parts e tschenta sur da scadina sias specialas cundiziuns:

a) I. passus, naven da da **Sedrun I: Sontget** :I tochen **S.Antoni/Surrein** renconuscha e mantegn la vischnaunca sco sempla pratica via da bara.

b) II. passus, naven da **S.Antoni** tochen enasisura la punt **Pardatsch** visavi il fuorn da caltschina, nua che la nova via entscheiva, manetgn la vischnaunca la via mo en qualidad da pass e repass per tiers e glied a pei, mai aber sco via carrabla. –

c) III. passus, naven da **Las Ragischs** visavi il sura fuorn da caltschina tochen ell'**Alp Nalps** s'oblighescha la vischnaunca en neginas modas e manieras da prender art e part en riguard grevezias.

4to. Per impedir pusseivels disclotgs e malemperneivladads denter possessurs da tiers a **Pardatsch** e **Nalps**, cunzun temps da stad, sto la via nova vegnir serrada en in qualificau liug els **Tschalers** cun ina sufficienta geina ni siara.

5to. Han ils accordants da quella via l'obligaziun sut responsabilitad d'impunder e metter il material che vegn tagliaus e cavaus ord il sulom dalla via sin quella e buca fierer surengiu e metter sut pastira.

6to. Tut material che croda suenter la construcziun en quella via e vegn fiers giud quella, sto vegnir bess en ina u l'autra valetta il pli maneivel che selai senza metter cheutras sut buna pastira.

7tmo. Per schiarm dil **Plaun Pardatsch** ston las menadiras adina vegnir tenidas per la lingia stagiada.

8tvo. La vischnaunca cundiziunescha e resalva il cumplein dretg da puder passar e repassar per glied e tiers sco era da carrar sin quella entira lingia tochen sils cunfins da **Nalps**.

9vo. Tier las sura allegadas cundiziuns tschenta la vischnaunca aunc alla tit. societad corporativa **Nalps** da dar ad ella ina bonificaziun per la cuncessiun dil terren da quella via, providents donns e cuosts, ch'ella ha e sto aunc haver cheutras 1 fr. per dretg da quella alp sut la cundiziun che la lingia vegni sbassada giu els trutgs vegls dallas **Plauncas Pardatsch** en; resta quella lingia aber si tenor project, 2 frs. il dretg.

La suprastonza da **Tujetsch**

Tujetsch, ils 8 da zercladur 1893

Protocol da vischnaunca dils 11 da zercladur 1893

Ei vegniu legiu avon il pareri e cundiziuns tschentaus si dalla cumissiun dalla via da **Pardatsch**, ch'ei dalla vischnaunca vegnius approbaus.

Segnas, ils 30 da zercladur 1893

Alla tit. suprastanza dalla ludeivla vischnaunca **Tujetsch**

En possess digl act da decisiun tarmess tier a nus sut datum dils 12 da zercladur 1893, relatein che la societad corporativa dall'**Alp Nalps** (da **Magher** e **Grass**) hagi ier repassau las tschentadas cundiziuns puncto projectada via dalla **Val Nalps** e tschentan per quella fin si alla ludeivla vischnaunca **Tujetsch** la sequenta norma:

1. Sto la via vegnir baghegiada tenor plan e stagiaziun dil signur inschignier e secartessen che **Tujetsch** savessi secuntentar cun in fr. per dretg per l'expropriaziun, cass cuntrari stuein vegnir suenter alla tschentada pretensiun da 2 frs. per dretg; tschentein aber la cundiziun ch'il sulom dalla via nova sin territori da **Tujetsch** seigi nossa proprietad; il dretg da pasculaziun aber vegn daus tier alla vischnaunca **Tujetsch**.
2. Il dretg da diever dalla via s'extenda sin la cultira alpina (Alpenwirtschaft) per las corporaziuns **Alp Nalps da Magher e Grass**.
3. Ei la ludeivla vischnaunca **Tujetsch** obligada da mantener la via naven da **Sedrun (Sontget)** tochen la punt **Pardatsch** visavi il fuorn da caltschina, nua che la via nova entscheiva, sco tochen dacheu, da leu naven tochen il tschaler mantegnan las alps **Nalps** ella.
4. Per serrar giu il liber transit construeschan ils da **Nalps** en il tschaler ina sufficienta geina u siara per ils tiers sin la via.
5. Il material che vegn cavaus ora per la construcziun dalla via vegn duvraus il bia el sulom da quella; quei material che sa buca vegnir duvraus vegn constrenschiu ils sorprendiders da metter tal material il pli maneivel sil mender donn.
6. Tut material che vegn en via suenter la construcziun da quella s'oblighein da metter il pli maneivel sil mender donn.
7. La vischnaunca **Tujetsch** ha il dretg da diever per gliעד e tiers, sco era da carrar cun lenna e fein, mai aber per speculaziuns ni outra industria sin la nova via.

Vegn la ludeivla vischnaunca **Tujetsch** buca ad acceptar las sura stipuladas cundiziuns, sche vegnan ils pursanavels da **Nalps** a clamar en l'intervenziun digl ault ludeivel Cussegl Pign.

Spitgein immediat risposta

Cun tutta stema e salid

Per la cumissiun dall'**Alp Nalps**

Gion Battesta Durschei

Protocol da vischnaunca dils 2 da fenadur 1893

Ha la vischnaunca concludiu da star tiegl anteriur conclus arisguard la via **Pardatsch-Nalps**. La cumissiun veglia ei incaricada da rispunder en quei senn amicabel, ni sin via da recuors, sco era smanatschar.

14 da fenadur 1893

Brev dil Cussegl Pign: Wir übermachen Euch hiemit die vom 12. ds. Mts. dat. Eingabe der Alpgenossenschaft **Nalps** Betreffend Erstellung eines Alpweges zur Vernehmlassung innert 14 Tagen.

Brev dalla regenza grischuna

Chur, den 19. August 1893

Der kleine Rath des Kantons Graubünden an den löblichen Gemeindevorstand **Tavetsch**

Getreue, liebe Mitbürger!

Behufs Beilegung der Differenzen zwischen der Alpgenossenschaft

Nalps und Eurer Gemeinde betreffend den

Bau einer Strasse in die **Alp Nalps**

hat obgenannte Alpgenossenschaft die Intervention unserer Behörde angerufen.

Nach Kenntnissnahme der gewechselten

Rechtsschriften und genauer Prüfung der Sachlage müssen wir uns in dieser Sache als

incompetent erklären, indem sich die Intervention des Kleinen Rathes auf keine gesetzliche

Grundlage stützen könnte. Gleichwohl sehen wir uns veranlasst, zu bemerken, dass es sehr

badauerlich wäre, wenn in Folge geringfügiger Misshelligkeiten zwischen Eurer Gemeinde und der Alpgenossenschaft **Nalps** der Bau der Strasse nicht zu Stande käme, so dass die

eidgenössische sowie die kantonale Subsidie verloren giengen.

Die Hauptdifferenz betreffen einerseits die Erstellung, beziehungsweise Unterhaltung einer

fahrbaren Strasse von **St. Anton** bis zur Brücke von **Pardatsch**, und andererseits die Frage des

Eigenthums des Strassencörpers, wobei aber, laut Übereinkunft, die Alpgenossenschaft **Nalps**

das erforderliche Terrain für die Strassenanlage von Eurer Gemeinde kaufen d.h. bezahlen und

die erstellte Strasse unterhalten muss. Da wir in Sachen wie bereits bemerkt, nicht competent

sind, so wollen wir uns auf eine Würdigung der von Eurer Gemeinde gestellten Bedingungen

und speziell der Frage des Eigenthums des Strassencörpers nicht einlassen, allein die

erwähnten sowie die übrigen mehr untergeordneten Differenzen lassen sich bei einigem guten

Willen der Parteien gewiss beilegen und gewärtigen wir daher von Eurer Gemeinde

möglichstes Entgegenkommen gegenüber der Alpgenossenschaft **Nalps**, damit die projektierte

Strassenanlage nicht aus Motiven, die schliesslich keiner Partei Nutzen bringen können,

vereitelt werde.

Anbei empfehlen wir Euch, getreue, liebe Mitbürger, sammt uns in Gottes Obhut.


Der Präsident

R. Camenisch

Namens des Kleinen Rathes

der Kanzleidirector

S. Plattner



Protocol da vischnaunca dils 3 da zercaldur 1894

Il schema dallas cundiziuns tschentaus si dalla cumissiun dalla via da **Nalps** ei dalla

vischnaunca vegnius approbaus cun l'annexa, che la corporaziun da **Nalps** cedi alla

vischnaunca **Tujetsch** il dretg da menar ora l'aua en sia alp **Cavorgia**. Il prezi ei vegnius fixaus

sin 100 francs.

Protocol da vischnaunca dils 30 da

settember 1894

5. La petiziun da **Nalps/Mustér**, da

schenghegiar in ton digl importo, staus

fixaus per l'erecziun dalla via

da **Nalps** ei dalla vischnaunca vegnida

renviada.



La veglia via da **Nalps** cuort avon **Nacla**

1894 - Terminaziun da L'Ondadusa (Londadusa)

L'Ondadusa (Londadusa) s'extenda sco vallatsch denter las duas vals, Val Mila e Vals Strem, ni denter igl Uaul Flurin e gl'Uaul da Camischolas. All'agricultura ha ella surviu sco furnitura d'entginas sorts da fein e pastg e lu sco pastira da biestga e cauras. Il document tracta la terminaziun denter la pastira da biestga e la pastira dallas cauras dil vischinadi da Camischolas.

Terminaziun dall'Ondadusa

Sut datum dils 27 d'uost 1894 eis ei terminau d'enter pastg da biestga e da cauras si **Londadusa** sco suonda:

Nr. 1 Ei entschiet silla pala odem digl uaul, grad sut quei bot rodund ch'ei amiez la pala, eis ei in per pass dator igl ur odem, eis ei in pign crap stabel, sil qual igl ei tagliau 1.

Nr. 2 + cun la crusch, ei in pign crap stabel entadem la medema pala, sut la quala pala eis ei negins auters tiarms.

Nr. 3 ei sut la pala dadens, ina platta uliv cun il terren, sin la quala igl ei tagliau 3 + sco cheu ei scret.

Nr. 4 ei in tschancun enasi tagliaus ord in grep cun la crusch speras.

Nr. 5 ei enasigl ur dalla **Stgalutta**, en ualti grada lingia dil nr. 3 e 4, tagliaus ein in fetg veseivel grep.

Nr. 6 + ei sut la **Pala Pintga**, ch'ei denter la **Pala digl Uaul** e la **Stgalutta**, nua ch'ei vegn fatg giu il fein da quella pala. Ella spunda encunter las palas digl uaul, eis ei tagliau la cefra 6 ord in pign grep nua ch'igl ei da segar giu tier quel.


Nr. 7 ei dator il dutg dalla **Stgalutta**, en quella spunda, in pign nas d'in grep, sil qual igl ei tagliau il nr. 7. Circa 3 meters sulla lingia, eis ei tagliau ord ina biala platta ina crusch, la quala sparta la sort dalla **Stgalutta** ed il **Dartguir**. Aschia che la **Stgalutta** sa vegnir segada treis meters sut la platta ch'ha si la crusch. Il **Dartguir** sega giu mo sco la platta.

Nr. 8 Naven dalla **Stgalutta** vegn il **Dartguir** e fila vi encunter ina veseivla platta alva, la quala ei strusch en sigl ur dallas **Ruinias**, silla quala igl ei tagliau 8.

Nr. 9 ei ora sigl ur encunter il **Dartguir**, ei tschentau en in bi tierm cun +9.

Nr. 10 ei el cantun entadem da quella pala, nua ch'igl ei tscheu en in tierm, ch'ha si il sura nr. Quel fila ensi e sparta quella sort dil **Bastu**. Il qual vegn dils paupers u vendius.

Nr. 11 ei in grond toc enasi sut diesch ed ei tagliaus ord in buca grond crap u grep.



Nr. 12 cun la crusch ei buca diltut en sigl ur encunter **Val Macorta**, tonaton segan las **Ruinas** tochen en sigl ur da quella. Igl ei cheu ina platta silla quala igl ei tagliau ora il nr.

Nr. 13 cun la crusch, ei en sum la **Val dil Run**.

Nr. 14 ei ellas **Palas Grep Tgietschen**, vegn pia ora sil crest sisum il plaz meidia e filau encunter il tierm 14, il qual ei en amiez la pala spel dutg.

Nr. 15 ei via crest denter la **Pala dil Berther** e la **Pala Grep Tgietschen**, nua ch'igl ei tagliau ora il nr. 15 cun la crusch. Giu tier quei tierm sa quella vegnir segada.

Palas Panaglia, ormiez la pal'odem, eis ei tagliau ord in pign grep

Nr. 16 cun la crusch sut via, sco quei tierm dad en ed ora sa ei vegnir segau. Naven da nr. 16 va ei agraden, tochen en tier zatgei grugna, nua ch'in da quels ch'ha ina biala fatschada, sin la quala igl ei tagliau

nr. 17 e grad sura la crusch.

Nr. 18 ei en sisum las caglias in tschancun sut il pegn. Naven da quei tierm fila ei si encunter il sura pegn, sco il pegn ed igl ur da quei crest si, sparta ei il pastg da biestg dil pastg da cauras. Naven da Nr. 18 va ei dallas caglias enasi tochen tier quei crest ault, ch'ei zatgei grugna, sin da quels eis ei tagliau

Nr. 19 e neginas cruschs.

Nr. 20 ei via sigl ur da **Foppa Verda**, els trutgs eis ei tagliau ora nr. 20, neginas cruschs, mobein in steh che fila encunter nr. 19 ed in che fila digl ur si.

Aschia che quella terminaziun ei finida.



Londadusa il temps d'unviern, davontier **Zarcuns** culla caplutta da Nossadunna